

Fiskeridirektoratet
postmottak@fiskeridir.no

SAK 30/2020
PELAGISK FORENING SITT HØYRINGSSVAR
REGULERING AV FISKET ETTER TOBIS

Pelagisk Forening viser til høyringsbrev.

Pelagisk Forening har ikkje innvendingar mot vidareføring av den områdebaserte forvaltningsmodellen.

Pelagisk Forening er klar over at det blei tatt eit uvanleg stort kvantum hysa som bifangst i tobisfisket i 2020 sesongen. Målt i prosent av hovudfangsten var ikkje hyseinnblandinga stor. Det er òg viktig å vera klar over at hysekvoten i sør ikkje plar bli fiska opp, og at betalinga var på same nivå, eller høgare, enn kva som blir betalt for hysa til konsum i nord. Bifangsten av hysa har såleis ikkje gått ut over korkje bestanden, eller andre fiskarar.

I forslag til komande regulering skriv direktoratet at «*Fiskeridirektøren foreslår at tobisforvaltningen i 2021 blir fastsatt i henhold til den områdebaserte forvaltningsmodellen. I reguleringsåret 2020 ble det tatt store kvanta hyse og hvitting som bifangst i tobisfisket, noe som historisk sett er uvanlig i dette fiskeriet. Fiskeridirektoratet mener at det er nødvendig å innføre et Real Time Closure (RTC)-system i tobisfisket for å kunne avbøte situasjoner med mye bifangst av andre arter. Fiskeridirektoratet vil på et senere tidspunkt foreslå kriterier for et slikt RTC-regime og behandle denne saken i nær dialog med næringen, i tråd med samarbeidet i tobisforvaltningen ellers.*»

Årsaka var truleg ein uvanleg stor hysebestand kombinert med ein stor tobiskvote. Etter kva Pelagisk Forening forstår har ikkje innblanding av hysa vore noko problem sidan slutten på 90-talet. Det talar for å ikkje koma med inngripande tiltak basert på eit års erfaring.

Pelagisk Forening er glad for at saka handsamast i nær dialog med næringa, og forventar at næringa blir lytta til.

Pelagisk Forening oppfattar høyringsdokumentet som om nye reglar skal innførast i to trinn. Først forskriftsheimel for RTC-regel, og at vilkåra for stenging, storleiken på stengte område, og lengda på stenging skal avgjerast seinare. Sjølv sistnemnte «*i nær dialog med næringen*» er det til sist direktoratet som avgjer stengingskriteria.

Pelagisk Forening meiner at desse vurderingane må skje samla.

Det er òg viktig å ikkje gjera forhasta slutningar. Det er lenge til fiskeriet startar i april, og det er god til dialogmøte med næringa. Tiltak bør ikkje innførast før eventuelt etter dialog med næringa der konkrete forslag har blitt fremja.

Tobisfelta er ikkje store, og somme felt er alt stengt. Eventuelt RTC-stenging vil kunne føra til stort fiskepress på attverande opne område. Det talar mot innføring av RTC-regel.

Pelagisk Forening meiner òg at det bør vurderast å innføra fleks på fartøynivå. Det vil kunne redusera fiske i år med høge tobiskvotar.

Bergen, 5.11.20



Ask Økland
Advokat



Mariann Frantsen
Dagleg leiar